

*Orde do 28 de marzo de 2005 pola que se aproban as bases que rexerán o concurso público de catro bolsas de colaboración en proxectos de investigación que se están a desenvolver no Centro Ramón Piñeiro para a Investigación en Humanidades, e se anuncia a súa convocatoria.*

O artigo 1º do Decreto 454/2003, do 26 de decembro, en harmonía co artigo 27 do Estatuto de autonomía para Galicia, establece a competencia da Consellería de Educación e Ordenación Universitaria para a promoción e ensino da lingua galega e o fomento da investigación.

Dentro do plan de actividades da Consellería de Educación e Ordenación Universitaria para 2005 figura a convocatoria pública de bolsas de investigación para realizar proxectos concretos sobre lingüística, literatura, antropoloxía e historia galegas, no Centro Ramón Piñeiro para a Investigación en Humanidades.

O seu outorgamento enmárcase dentro das funcións atribuídas á Consellería de Educación e Ordenación Universitaria no artigo 3 do Decreto 25/1993, do 11 de febreiro (DOG nº 34, do 19 de febreiro), de creación e posta en funcionamento do Centro Ramón Piñeiro para a Investigación en Humanidades, modificado polo Decreto 330/1997, do 13 de novembro (DOG nº 227, do 24 de novembro de 1997).

Na súa virtude, apróbanse as seguintes

#### BASES:

##### Primeira.-Obxecto.

O concurso ten por obxecto a adxudicación de catro bolsas de colaboración nos proxectos concretos de investigación que se están a desenvolver no Centro Ramón Piñeiro para a Investigación en Humanidades, e que se inclúen como anexos a esta orde, nos cales se detallan os requisitos específicos que deben reunir os solicitantes.

##### Segunda.-Contía das bolsas.

O importe das bolsas incluirá:

-Unha asignación mensual de 800 euros, coa retención fiscal que corresponda, que será incompatible con calquera outra axuda ou actividade remunerada.

-Seguro de asistencia médica e seguro combinado de accidentes.

Para o gasto que se proxecta existe crédito adecuado e suficiente na partida orzamentaria 07.06.353E.480.2, por unha contía máxima total de 20.600 euros (19.200 euros correspondentes ao pagamento das mensualidades e de 1.400 euros para o pagamento da asistencia sanitaria) correspondente aos orzamentos xerais da Comunidade Autónoma de Galicia para o ano 2005.

O pagamento da bolsa realizarase mensualmente, logo do informe do director de investigación, sempre que os traballos se desenvolvan con normalidade e de acordo coas bases establecidas.

##### Terceira.-Duración.

A data de incorporación ao centro será dentro dos cinco días seguintes ao da notificación da adxudicación. As/os bolseiras/os que non se incorporen no

prazo establecido perderán os dereitos inherentes á bolsa concedida, salvo causa xustificada de atraso apreciada polo coordinador científico do Centro Ramón Piñeiro.

A concesión da bolsa será ata o día 31 de decembro do 2005, e poderase prorrogar anualmente ata un máximo total, incluídas as prórrogas, de tres anos, á vista do traballo realizado polo bolseiro/a, sempre que o proxecto ao cal estea vinculado requira do seu labor e así o permitan as disponibilidades orzamentarias. No suposto de prórroga, a dotación económica poderá incrementarse de acordo co índice de prezos ao consumo que se estableza para cada ano.

##### Cuarta.-Requisitos xerais:

a) Posuír a nacionalidade española ou ser nacional dun país membro da Unión Europea.

b) Estar en posesión do título de licenciado/a.

c) Acreditar coñecemento da lingua galega no nivel de perfeccionamento.

d) Non ter sido separado do servizo de ningunha Administración ou institución como consecuencia de expediente disciplinario.

e) Non poderán participar nesta convocatoria persoas que, reunindo estes requisitos, resultasen beneficiarios dunha bolsa ou contrato en concursos anteriores do Centro Ramón Piñeiro para a Investigación en Humanidades.

##### Quinta.-Solicitudes.

As solicitudes, no modelo que se xunta como anexo, irán dirixidas ao coordinador-científico do Centro Ramón Piñeiro para a Investigación en Humanidades e entregaranse na sede deste (estrada Santiago-Noia, km 3, A Barcia, 15896 Santiago de Compostela), ou ben en calquera dos centros previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Entregarase unha solicitude por cada proxecto ao que a persoa se queira presentar. Só será necesaria unha única documentación.

O prazo de presentación de solicitudes será de corenta días naturais contados a partir do seguinte ao da publicación desta convocatoria no DOG, acompañadas da documentación seguinte:

-Certificación académica persoal completa.

-Curriculum vitae, acompañado de cantos documentos poidan avalalo.

-Acreditación de coñecemento de lingua galega nivel perfeccionamento.

-Fotocopia do DNI ou pasaporte.

-Declaración xurada comprometéndose a renunciar, se fose seleccionado, á percepción doutras remuneracións, bolsas ou axudas, e tamén de non ter sido separado do servizo de ningunha Administración nin institución pública como consecuencia de expediente disciplinario.

-Declaración xurada de non percibir outras axudas ao inicio e ao remate da bolsa.

-Declaración do conxunto de todas as solicitudes efectuadas ou concedidas, para un mesmo proxecto,

perante as administracións públicas competentes ou outros entes públicos.

Todos os documentos deberán ser orixinais ou copias cotexadas deles.

Vistas todas as solicitudes, darase un prazo de 10 días para corrixir a falta de documentación. Transcorridos estes días sen a devandita corrección, arquivaranse os devanditos expedientes.

Sexta.-Comisión de valoración.

A selección dos candidatos/as será realizada por unha comisión presidida polo coordinador-científico do Centro Ramón Piñeiro para a Investigación en Humanidades e composta por tres vogais propostos por aquel e nomeados polo director xeral de Política Lingüística. Actuará como secretario o secretario do centro. Esta comisión poderá solicitar informes previos sobre as solicitudes presentadas aos directores dos proxectos de investigación implicados.

O presidente da comisión remitirá a lista dos candidatos e candidatas seleccionados e suplentes, se é o caso, ao director xeral de Política Lingüística, quen elevará a proposta de resolución ao conselleiro de Educación e Ordenación Universitaria, que será o encargado de resolvela. A resolución publicarase no DOG. Esta resolución, que esgotará a vía administrativa, poderá ser obxecto de recurso de reposición nun prazo dun mes contado a partir do día seguinte ao da publicación no *Diario Oficial de Galicia*, perante o conselleiro de Educación e Ordenación Universitaria, segundo o disposto na Lei 4/1999 (BOE do 14 de xaneiro), de modificación da Lei 30/1992, de réxime xurídico das administracións públicas e do procedemento administrativo común, ou ben os interesados poderán presentar directamente recurso contencioso-administrativo, perante o Tribunal Superior de Xustiza de Galicia, no prazo de dous meses contados a partir do día seguinte ao da súa publicación, conforme se establece na Lei 29/1998, do 13 de xullo, reguladora da xurisdición contencioso-administrativa.

As solicitudes consideraranse desestimadas de non quedar resolta a convocatoria no prazo de seis meses desde a data da súa publicación no DOG.

Sétima.-Baremo para a selección dos/as bolseiros/as.

-Titulación do solicitante e expediente académico: ata un máximo de catro puntos.

-Curriculum vitae do solicitante e experiencia investigadora en proxectos de investigación similares: ata un máximo de catro puntos.

- Ademais do exame da documentación presentada, a comisión poderá convocar os solicitantes a unha entrevista persoal para valorar os seus coñecementos sobre o tema de investigación: ata un máximo de dous puntos.

A comisión non valorará aqueles méritos alegados polos solicitantes nas súas instancias que non estean acreditados documentalmente. Para a selección dos candidatos a comisión terá en conta aqueles informes solicitados aos directores dos proxectos de investigación implicados.

En caso de empate terase en conta o expediente académico, en segundo lugar o curriculum vitae e, complementariamente, a entrevista persoal co candidato/a.

Oitava.-Condicións de desfrute.

Estas bolsas son incompatibles coa realización dun traballo remunerado ou o desfrute doutro tipo de bolsas ou axudas.

O conselleiro de Educación e Ordenación Universitaria poderá conceder, por unha vez, a interrupción no desfrute da bolsa por petición razoada do interesado/a, logo do informe do seu director de proxecto. A interrupción non poderá ser nunca superior a tres meses ao longo da duración da bolsa e as posibles renovacións, e non dará lugar, en ningún caso, á posibilidade de recuperar o período interrompido. O interesado, nesta interrupción temporal da bolsa, non terá dereito a percibir as mensualidades correspondentes ao período que dure a súa renuncia.

Se algún dos beneficiarios/as destas bolsas decide renunciar a ela, fose seleccionado para outra bolsas, axudas ou proxecto ou se producise algunha circunstancia determinante de incompatibilidade co desfrute da bolsa, deberá comunicarllo ao Servizo do Centro Ramón Piñeiro para a Investigación en Humanidades, que procederá á suspensión da bolsa correspondente. No caso de que esta suspensión se producise no prazo dun ano a partir da data de publicación da resolución de nomeamento das bolsas convocadas nesta orde, a bolsa vacante poderá ser adjudicada ao candidato seguinte da lista de suplentes sempre que as necesidades do proxecto sigan sendo as mesmas. En tal caso, o período máximo de desfrute da bolsa non poderá exceder o prazo de tres anos contados a partir da data do primeiro nomeamento.

Novena.-Aceptación das bolsas.

Unha vez recibidas as notificacións de concesión das bolsas polos beneficiarios, estes, no prazo de cinco días naturais, comunicarán por escrito ao Centro Ramón Piñeiro para Investigación en Humanidades a aceptación ou renuncia a elas. Se transcorridos eses cinco días non se fixese manifestación en ningún sentido, entenderase como renuncia á bolsa.

Décima.-Obrigas.

As/os bolseiras/os permanecerán no Centro Ramón Piñeiro en horario habitual de presenza de mañá ou tarde. Toda alteración das condicións tidas en conta para a concesión da bolsa e, en todo caso, a obtención concorrente de bolsas ou axudas otorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

O incumprimento por parte da bolseira/o dalgunha das condicións recollidas nestas bases suporá a perda da bolsa concedida e, de ser o caso, o reintegro das cantidades xa cobradas, e poderáselle atribuír ao aspirante que ocupe o primeiro lugar na lista de suplentes, ou ao seguinte ou seguintes cando os chamados non puidesen prestar a súa colaboración por calquera motivo, tendo en conta as necesidades do proxecto.

A condición de bolsreira/o non dará lugar a relación contractual ningunha, nin laboral nin administrativa, coa Xunta de Galicia.

En todo caso, tendo en conta o artigo 78.8º, letra j), da Lei de réxime financeiro e orzamentario de Galicia, o bolsreiro ten a obriga de facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas.

Unha vez finalizada a bolsa presentarase un informe da actividade realizada, co visto e prace do director do proxecto.

Décimo primeira.-Esta resolución, que esgotará a vía administrativa, poderá ser obxecto de recurso de reposición no prazo dun mes, contado a partir do día seguinte ao da publicación no *Diario Oficial de Galicia*, perante o conselleiro de Educación e Ordenación Universitaria, segundo o disposto na Lei 4/1999 (BOE do 14 de xaneiro), de modificación da Lei 30/1992, de réxime xurídico das administracións públicas e do procedemento administrativo común, ou ben os interesados poderán presentar directamente recurso contencioso-administrativo, perante o Tribunal Superior de Xustiza de Galicia, no prazo de dous meses contados a partir do día seguinte ao da súa publicación, conforme se establece na Lei 29/1998, do 13 de xullo, reguladora da xurisdición contencioso-administrativa.

#### *Disposicións derradeiras*

Primeira.-Facúltase o director xeral de Política Lingüística para ditar, no ámbito das súas competencias, as resolucións precisas para o desenvolvemento desta orde.

Segunda.-Esta orde sométese ao réxime de axudas públicas establecido no Decreto lexislativo 1/1999, do 7 de outubro, de acordo coa modificación operada pola Lei 14/2004, do 29 de decembro, de adaptación aos aspectos básicos da Lei 38/2003, do 17 de novembro, xeral de subvención. Aplicarase o Decreto 287/2000, do 21 de novembro, no que non se opoña.

Terceira.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 28 de marzo de 2005.

Celso Currás Fernández  
Conselleiro de Educación e Ordenación  
Universitaria

#### *ANEXO I*

Unha bolsa para colaborar na catalogación dos fondos bibliográficos do Centro Ramón Piñeiro.

Esta bolsa ten como finalidade colaborar na catalogación dos fondos bibliográficos existentes no Centro Ramón Piñeiro.

Requisitos específicos dos/as solicitantes:

Para solicitar a bolsa a que se refire esta convocatoria é necesario, ademais de reunir os requisitos xerais establecidos na base cuarta desta orde:

-Ser licenciada/o en historia.

-Acreditar coñecementos e experiencia en traballos de documentación e bibliotecas.

-Coñecementos de informática no nivel de usuario.

#### *ANEXO II*

Unha bolsa para colaborar no proxecto de investigación e estudo do galego no exterior.

Esta bolsa ten como finalidade colaborar no proxecto de investigación e estudo do galego no exterior que se realiza no Centro Ramón Piñeiro.

Requisitos específicos dos/as solicitantes:

Para solicitar a bolsa a que se refire esta convocatoria é necesario, ademais de reunir os requisitos xerais establecidos na base cuarta desta orde:

-Ser licenciada/o en filoloxía.

-Formación e/ou experiencia específica en segundas linguas.

-Coñecementos de informática en calidade de usuario.

#### *ANEXO III*

Unha bolsa para colaborar no proxecto de terminoloxía científico-técnica.

O/a adxudicatario/a desta bolsa compaxinará actividades de tradución con traballos de tipo terminolóxicos que se están realizando no Centro Ramón Piñeiro.

Requisitos específicos dos/as solicitantes:

Para solicitar a bolsa a que se refire esta convocatoria é necesario, ademais de reunir os requisitos xerais establecidos na base cuarta desta orde:

-Ser licenciado/a en filoloxía ou tradución e interpretación.

-Coñecementos doutras linguas, ademais da galega.

-Manexo de procesadores de texto e bases de datos no nivel de usuario.

-Nivel aceptable de mecanografía.

-Experiencia en traballos de lexicografía e terminoloxía.

#### *ANEXO IV*

Unha bolsa para colaborar no proxecto de lírica medieval vinculado ao Arquivo Galicia Medieval.

Esta bolsa ten como finalidade colaborar no proxecto de lírica medieval que se realiza no Centro Ramón Piñeiro.

Requisitos específicos dos/as solicitantes:

Para solicitar a bolsa a que se refire esta convocatoria é necesario, ademais de reunir os requisitos xerais establecidos na base cuarta desta orde:

-Ser licenciado/a en filoloxía.

-Coñecementos de informática en calidade de usuario.

-Ter experiencia investigadora en literatura medieval románica.

-Capacidade para ler/traducir textos en diferentes linguas románicas no estado medieval.

## ANEXO V



**XUNTA DE GALICIA**  
 CONSELLERÍA DE EDUCACIÓN  
 E ORDENACIÓN UNIVERSITARIA

PROCEDEMENTO <b>BOLSAS DE COLABORACIÓN PARA PROXECTOS DE INVESTIGACIÓN NO CENTRO RAMÓN PIÑEIRO PARA A INVESTIGACIÓN EN HUMANIDADES</b>	CÓDIGO DO PROCEDEMENTO <b>ED109A</b>	DOCUMENTO <b>SOLICITUDE</b>
---	---	--------------------------------

## DATOS DO SOLICITANTE

APELIDOS	NOME	DNI
ENDEREZO		LOCALIDADE
PROVINCIA	CÓDIGO POSTAL	TELÉFONO

## SOLICITO:

Ser admitido/a na convocatoria pública de bolsas de investigación, anunciadas pola Consellería de Educación e Ordenación Universitaria no \_\_\_\_\_ do día \_\_\_\_\_, ao considerar que reúno os requisitos exixidos para tomar parte nelas, e para tal efecto detallo a seguir:

Carreira cursada e grao obtido:

- Certificación académica persoal completa (orixinal ou copia compulsada).
- Curriculum vitae, xunto cos xustificantes oportunos.
- Fotocopia do DNI.
- Acreditación do coñecemento da lingua galega no nivel de perfeccionamento.
- Declaración pola que se fai constar a aceptación plena das bases da convocatoria, así como o compromiso de renunciar, se fose seleccionado/a, á percepción doutras remuneracións, bolsas ou axudas.
- Declaración xurada de non ter sido separado do servizo de ningunha Administración nin institución pública como consecuencia de expediente disciplinario, así como de non percibir outra axuda ao inicio e ao remate da bolsa.
- Outros méritos e circunstancias que se desexen facer constar:
- \_\_\_\_\_
- \_\_\_\_\_

## LEXISLACIÓN APLICABLE

*Orde do 28 de marzo de 2005 pola que se aproban as bases que rexerán o concurso público de catro bolsas de colaboración en proxectos de investigación que se están a desenvolver no Centro Ramón Piñeiro para a Investigación en Humanidades, e se anuncia a súa convocatoria.*

SINATURA DO/A SOLICITANTE

, de

de 200

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

/ /

DATA DE EFECTOS

/ /

DATA DE SAÍDA

/ /

## CONSELLERÍA DE INNOVACIÓN, INDUSTRIA E COMERCIO

*Orde do 21 de marzo de 2005 pola que se declara de interese galego a Fundación Sabiria e se ordena a súa inscrición na sección do Rexistro de Fundacións de Interese Galego desta consellería.*

Con data do 9 de marzo de 2005, publicouse no *Diario Oficial de Galicia* nº 47 a orde da Consellería da Presidencia, Relacións Institucionais e Administración Pública, do 3 de marzo de 2005, pola que se clasifica como de interese social a *Fundación Sabiria*, e se adscribe á Consellería de Innovación, Industria e Comercio, que terá que exercer o protectorado plenamente sobre ela.

Esta fundación, de acordo co establecido no artigo seis dos estatutos, ten por obxecto fomentar o desenvolvemento da sociedade do coñecemento co impulso das tecnoloxías, particularmente das da información e as comunicacións, no ámbito da Comunidade Autónoma de Galicia e, desde Galicia, máis aló desta comunidade autónoma. Para iso implicarase mediante a difusión, a promoción, o asesoramento e o impulso relativos ao bo uso das tecnoloxías da información e as comunicacións no tecido social, universitario, empresarial e das administracións públicas, propiciando un estado de reflexión permanente na nosa sociedade para lograr o seu avance contribuíndo á redución da brecha dixital e do coñecemento.

Por todo isto, e en virtude das competencias que me confire o artigo 34.12º da Lei 1/1983, do 22 de febreiro (modificada pola Lei 11/1988, do 20 de outubro), reguladora da Xunta e do seu presidente, e segundo o establecido nos artigos 8 da Lei 7/1983, do 22 de xuño, de réxime das fundacións de interese galego (modificada pola Lei 11/1991, do 8 de novembro), e 32.3º do Decreto 248/1992, do 18 de xuño, polo que se aproba o Regulamento de organización e funcionamento do protectorado das fundacións de interese galego,

### DISPÓÑO:

Artigo único.

Declárase de interese galego a *Fundación Sabiria*, ao cumprir os seus estatutos as prescricións que, para tal efecto, sinala a vixente lexislación en materia de fundacións de interese galego.

### Disposición adicional

Inscribirase a *Fundación Sabiria* na sección do Rexistro de Fundacións da Consellería de Innovación, Industria e Comercio. Esta inscrición producirá os efectos constitutivos que sinala a Lei 7/1983, do 22 de xuño, do réxime das fundacións de interese galego (modificada pola Lei 11/1991, do 8 de novembro), e o Decreto 248/1992, do 18 de xuño, polo que se aproba o Regulamento de organización e funcionamento do protectorado das fundacións de interese galego.

### Disposición derradeira

Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 21 de marzo de 2005.

Juan Rodríguez Yuste

Conselleiro de Innovación, Industria e Comercio

## CONSELLERÍA DE PESCA E ASUNTOS MARÍTIMOS

*Orde do 3 de febreiro de 2005 pola que se crea o ficheiro de datos de carácter persoal que conforma a bolsa de emprego de titulados do Instituto Galego de Formación en Acuicultura (Igafa) e institutos marítimo-pesqueiros dependentes desta consellería.*

A Constitución española, no seu artigo 18.4º, dispón que a lei limitará o uso da informática para garantir o honor e a intimidade persoal e familiar dos cidadáns e o pleno exercicio dos seus dereitos.

Neste sentido, a Lei orgánica 15/1999, do 13 de decembro, de protección de datos de carácter persoal, regula o tratamento deste tipo de datos rexistrados en soporte físico, así como o uso posterior destes datos polos sectores público e privado. Neste marco, é obxecto desta regulación a garantía e protección dos dereitos fundamentais e liberdades públicas das persoas físicas, e especialmente do seu honor e intimidade persoal e familiar.

O artigo 20.1º da devandita lei dispón que a creación, modificación ou supresión dos ficheiros das administracións públicas só se poderá facer por medio dunha disposición xeral publicada no *Boletín Oficial del Estado* ou diario oficial correspondente.

A bolsa de emprego dos titulados do Instituto Galego de Formación en Acuicultura, en diante Igafa, e institutos marítimo-pesqueiros dependentes da Consellería de Pesca e Asuntos Marítimos créase coa finalidade de facilitar e axilizar o contacto entre os titulados destes centros de ensino e as empresas do sector, contribuíndo a dinamizar o mercado laboral nestes ámbitos profesionais (pesca, mergullo profesional e acuicultura), e a contratación de persoal cualificado.

En consecuencia, en virtude das facultades que me confire o artigo 34.6º da Lei 1/1983, do 22 de febreiro, reguladora da Xunta de Galicia e do seu presidente, modificada parcialmente pola Lei 11/1988, do 20 de outubro, e o Decreto 125/2002, do 4 de abril, polo que se aproba a estrutura orgánica da Consellería de Pesca e Asuntos Marítimos,

### DISPÓÑO:

Artigo 1º.-Obxecto.

Mediante esta orde a Consellería de Pesca e Asuntos Marítimos crea os ficheiros automatizados de